

Ա.

ԵՐԱԺՇՏԱԳԷՏ ՅՈՎՀԱՆՆԷՍ

(12-րդ դար)

12-րդ դարի երկրորդ շրջանի հայ երաժշտական մշակույթի ամենապայծառ դժգոհությունը մեկն է վաստակաւոր արւեստագէտ Յովհաննէս վանականը, որ իր գեղարւեստական գործունէութեամբ հայ եկեղեցական երաժշտութեան պատմութեան մէջ պատուաւոր տեղ է դրաւում:

Նա պատկանում է միջնադարեան այն արւեստագէտների շարքին, որը ոչ միայն մշակել, զարգացրել եւ խորացրել է իր հոգեւոր թաղանթաւոր երաժշտական գեղեցիկ ձիրքը, այլեւ ամբողջապէս համակել է հայ հոգեւոր երգերի հոգեպարար թովաշանքով եւ իր վանականի պարտականութիւններին զուգընթաց՝ երկար տարիների անխոնջ աշխատանքով, արտակարգ ոգււորութեամբ եւ առանձին սիրով ուսումնասիրել է հայ եկեղեցական բաղմադարեան երաժշտութեան թանկագին աւանդներն ու նրանց գեղեցիկութիւնները, որոնք մի նոր աշխարհ են բաց արել նրա արւեստի առջեւ:

Ուշագրաւ է եւ այն, որ այդ ուղղութեան նա մինչեւ իր կեանքի վերջը հաւատարիմ է մնացել եւ իր ինքնատիպ արւեստով դարձել է իր ապրած դարաշրջանի հայ եկեղեցական երաժշտութեան պայծառ դժգոհներից մէկը:

Իր երաժշտական փայլուն ընդունակութիւններն էլ նրան դարձրել են 12-րդ դարի հայ հոգեւոր երաժշտութեան «անյաղթան երաժշտականը», հայկական եկեղեցական երաժշտութեան հպարտութիւնը: Առհասարակ, արւեստագէտի մեծութիւնը նախ եւ առաջ նրա երաժշտական հմտութիւնն

է, ստեղծագործական վարպետութիւնը: Նա ձայնագրել եւ հայ երաժշտութեան ու ապագայ սերունդներին աւանդ է թողել հոգեւոր երգեր ու մեղեդիներ, որոնցով զարկ է տւել դարաշրջանի եկեղեցական երաժշտութեան զարգացմանը:

Ընդգծենք եւ այն, որ երաժշտագէտը, բացի երաժշտական տաղանդից, ունեցել է նաեւ գեղարական արւեստի ձիրք: Իր վանական կեանքի շրջանում նա ներկայ է նաեւ գրչական մշակույթի վեհ գործին:

Հայ արւեստի մեծատաղանդ այս վարպետի յայտնութեան համար պարտական ենք Ներսէս Շնորհալու «Կաթողիկէայց քղթերի մեկնութեան» խորագրով ձեռագիր մատենանի յիշատակարանին: Դա միջնադարեան հայ երաժշտութեան պատմութեան կարեւոր մի մութ էջը լուսարանող թանկագին մի աղբիւր է, ուր երաժշտագէտի մասին կարդում ենք այսպիսի ուշագրաւ տողեր. «... Եւ զիս զտառապետ Յակովբ՝ զսակաւ աշխատողս եւ զամենաբարի զհարազատն իմ զՅովհաննէս, զընտիրն ի բեմականս եւ զանյաղթան յերաժշտականս եւ զանձանձրոյթն ի գրչութեան անհոնջ, զգովելին յամենայն բարեձեւութիւն... Եւ գրեցաւ ի ՈՍԷ (647 + 551 = 1198) թուին լուսերանդ եւ հրաշապատում տառս առաքելագիծ մատենիս, բաղմազան բարութեամբ եւ իմաստութեամբ լցեալ»:

Հայ երաժշտութեան պատմութեան համար առանձին նշանակութիւն ունեցող արժէքաւոր այս վաւերագրի ամբողջական պատկերը գտնւում է Վենետիկի - Ս. Ղա-

զարի Մխիթարեան Մխարանութեան Մատենադարանում: Այդ թանկագին աղբիւրից որոշ հատւածներ տեսնում ենք նաեւ Հ. Ղեւոնդ Ալիշանի «Սիսուան»-ում, «Հայաստանում»-ի մէջ, Զարրհանէլեանի «Հայկական հին զարութեան պատմութիւն երկում», Հ. Միքայէլ Զամչեանի «Պատմութիւն հայոց» գրքում եւ Գարեգին Ա. կաթողիկոսի «Յիշատակարանը ձեռագրաց» հատորում:

Փաստական այդ ցայտուն աղբիւրներն էլ վկայում են, որ երաժշտագէտ Յովհաննէսն իր դարաշրջանում յարգել է իր «ամենաբարի», ազնիւ բնաւորութեամբ: Այդ էական առաքինութեան վրայ աւելացնենք նաեւ նրա «բեմական ընտիր» ձիրքը, «գովելի յամենայն բարեձեւութիւնը», յատկանշելով, որոնց շնորհիւ նա սիրել է ու յարգել վանքի մխարաններից, սիրել է ժամանակի արւեստագէտներից, մտաւորականներից եւ հասարակութիւնից:

Սակայն, նա 12-րդ դարում, առանձնապէս հոգեւոր է, ինչպէս ընդգծեցինք,

իր երաժշտական վարպետութեամբ, հոգեւոր երաժշտութեան արւեստի դժուր կատարած նախնայնություն, որոնցով նա իր ապրած դարաշրջանի հայ ժողովրդի հոգեւոր վառ է պահել եկեղեցական երաժշտական արւեստի սէրը:

Մի հանգամանք այժմ պարզ է, որ արւեստագէտ Յովհաննէսի կեանքի պատմութիւնը եւ հոգեւոր երաժշտութեան զարգացման դժուր նրա կատարած դերը 12-րդ դարի երկրորդ շրջանի գեղարւեստական շարժման ուշագրաւ եւ արժէքաւոր էջերից մէկն է, վաստակաւոր մի մրցակ, որի պայծառ յիշատակը հայ երաժշտագէտների սրտերում այսօր վառ է պահում Ս. Ղազարի մենաստանի Մատենադարանում հանդիպող 1198 թւին գրած թանկագին ձեռագրի յիշատակարանը:

Պարզ է եւ այն, որ «անյաղթան երաժշտականը» միջնադարեան հայ երաժշտական մշակույթի ականաւոր մշակների շարքում ունի իր առանձնայատուկ եւ ուրոյն էջը:

Բ.

ԵՐԱԺՇՏ ՅՈՎԱՍՍԱՓ

(13-րդ դար)

Երաժիշտ Յովասափի գեղարւեստական գործունէութեան պատմութիւնը 724 երկար տարիների հնութիւն ունի: Նա ապրել է եւ գործել 13-րդ դարի առաջին կեսում «հռչակաւոր» քաղաք Կարին քաղաքում եւ ամբողջ էութեամբ ներկայ է հայ երաժշտութեան արւեստի զարգացմանը: Այդ տեսակէտից էլ նա արժանի է ուսումնասիրութեան:

Վաստակաւոր երաժշտի մասին կարդում ենք 1230 թւականին գրած նկարագրող մի «Աւետարան»-ի յիշատակարանում:

Նում: Դա «չուշանափայլ, նուրբ եւ ազնիւ» մագաղաթի վրայ, «Մեսրոպեան բարձրագիւր, յատակ եւ ընտիր երկաթագրով», Գրիգոր գրչի կողմից թէոդոսաւրիսում (Կարինում) գրած արժէքաւոր ձեռագիրն է, որի յիշատակարանի էջերը ձեղ տանում են 13-րդ դարի առաջին շրջանը:

Դա այն ժամանակաշրջանն էր, երբ Գոնիայի սուլտանը, 1204 թւին, արշաւում է թէոդոսաւրիսի վրայ: Վրացական բանակները, Զաքարէ սպասաւարի առաջ-

նորդութեամբ, շուտով օգնութեան են հասնում եւ ուժեղ դիմադրութիւն ցոյց տալիս, բայց վերջում պարտուում են եւ յետ նահանջում: Այդ հանդամանքը հաստատուում են ժամանակի վաստակաւոր դրբիչ՝ Վարդան քահանայի 1204 թւին, Մշոմ գրած «Տաւնական» ձեռագրի յիշատակարանի հետեւեալ տողերը. «... Եւ ի կատարման գրոցս՝ սուլտանն Սեւաստիոյ ժողով արարեալ անհուն բազմութեամբ... փքացեալ լեռնացեալ հէստ ի Թէոդուպալիս եւ անդի կամեցեալ անցանել յաշխարհն հայոց եւ վրաց... Իսկ աւգնականութեամբն Աստուծոյ եկին հասին զաւրբն վրաց եւ մեծն Ջաքարիէ հանդերձ Իւանեի(ւ) հարազատուն իւր եւ այլ աստուածասէր իշխանաւք եւ նախարարաւք եւ յոգնախումբ խառնիճաղանճ բազմութեամբ հասին ի վերայ անաւրէն զաւրացն Տաճկաց եւ յանաւ կոտորեցին զնոսա, զոմանս ձերբակալ արարին, եւ ոմանք ի փախուստ դարձան, բայց սուլտանն անվրէպ մնաց...»:

Չնայած 13-րդ դարի քաղաքական ծանր եւ անմխիթար պայմաններին, հայ մշակութային կեանքը Հայաստանում ոչ միայն կանգ չի առնում, այլեւ առանձին փայլ ու երանդ է ստանում:

Ահա ժամանակի մատենագրական դործունէութեան եւ գեղարւեստական շարժման նշանաւոր մի կենտրոն է հանդիսանում վաստակաւոր երաժիշտ Յովսէփի ծննդավայրը՝ «Հոյակապ եւ հռչակաւոր քաղաքս Թէոդուպալիս (Կարին)», ուր զարգանում եւ ունակութեամբ նւաճումներ են անում զրչական եւ մանրանկարչական արւեստները: Այն պատմական քաղաքումն էլ ձեւակերպւում եւ իրենց ինքնուրոյն արւեստով փայլում են մի շարք տաղանդաւոր դրբիչներ եւ վարպետ մանրանկարիչներ, որոնց շարքում պատուաւոր տեղ է գրաւում բնիկ Կարնեցի Վարդան քահանան, որ 1204 թւին, Մշոյ «Առաքելոց»

վանքում, մաղաղաթի վրայ, երկաթադրով գրել է «Տաւնական» մեծագիրը եւ հոյակապ ձեռագիրը: Դա հայ զրչական եւ մանրանկարչական արւեստների առաջնակարգ մի ստեղծագործութիւն է, որ այժմ գտնւում է Երեւանի Պետ. Մատենադարանում(*):

Կարնի զրչական եւ մանրանկարչական զարդոցի պարծանքն է կազմում նաեւ արւեստագէտ Գրիգոր դրբիչն ու ծաղկողը, որ 1230 թւին հայ մատենագրութեան նրբիւրէլ է մի նոր ձեռագիր «Աւետարան», որի յիշատակարանը, իր բովանդակութեամբ, կրկնակի արժէք է ներկայացնում այն տեսակէտից, նախ՝ ցայտուն դադարիւր է տալիս 13-րդ դարի առաջին շրջանում Թէոդուպալիսում (Կարինում) առաջ եկած մշակութային շարժման մասին: Այնտեղ, պատմական քաղաքի, արւեստագէտ միաբանները, մի գեղեցիկ ներդաշնակութեամբ, ընդօրինակում են եւ վրձինում մէկը միւսից ունակութեամբ գրեւ եւ զարկ տալիս դարաշրջանի զրչական ու նկարչական արւեստների զարգացմանը: Այդ շարժման մի գեղեցիկ պատկերը տեսնում ենք 1230 թւականին Գրիգոր դրբիչի ձեռքով գրւած Աւետարանում, որի յիշատակարանում կարդում ենք.

«... Եւ ես ըստ կարի իմում բազում աշխատութեամբ գծագրեցի իմով ձեռամբ եւ ծաղկազարդեալ յաւրինեցի ոսկւով պատուականաւ, հրով փորձեալ եւ զտեալ եւ երփներփն երանգաւք եւ պայծառ դեղովք դրոշմեալ ներգործեցի ի սմա ազգի ազգի քանդակս խորանաձեւս եւ երկնանմանս եւ այլ մանրամասն ինչ ծաղկաւք ըստ տուեցելոց ինձ ի շնորհաց հոգւոյն սրբոյ... Եւ հայկազնեան տումարիս վե-

(*) Այս արժէքաւոր ձեռագիրը մանրամասն ուսումնասիրեցի 1926-27 թւին, երբ որպէս գիտական աշխատաւոր պաշտօնավարում էի Երեւանի Պետական Թանգարանի պատմա-գրական բաժնում, ուր գտնւում էր ձեռագիրը: ԱՐ. ԵՐ.

ցից հարիւրից եւթանասուն եւ ինն ամաց՝ (679 + 551 = 1230) ի հոյակապ եւ ի հռչակաւոր քաղաքիս Թէոդուպալիս»:

Ձեռագրի յիշատակարանը հայ երաժշտական արւեստի պատմութեան տեսակէտով էլ ուրոյն արժէք ունի: 13-րդ դարում Կարինում նոր երանդ է ստանում նաեւ երաժշտական մշակոյթը, որի տաղանդաւոր արտայայտիչը հանդիսանում է երաժիշտ Յովսէփը:

Վաստակաւոր այս արւեստագէտի մասին 1230 թւի ձեռագրի յիշատակարանում ընդգծւած են այսպիսի սեղմ, բայց բնորոշ տողեր. «... Յիշեսցիք Գրիգոր դրբիչ... եւ զՅովսէփ փիլիսոփայ (= երաժիշտ) զհոգ(ե)ւոր եղբայր մեր...»:

Նոյն երեւոյթն ընդգծել է նաեւ Գարեգին Ա. կաթողիկոսը իր «Յիշատակարանք ձեռագրաց» արժէքաւոր գրքի 1190-րդ էջում, ուր կարդնւմ ենք. «փիլիսոփայ (= երաժիշտ), «հոգ(ե)ւոր եղբայր»՝ Գրիգոր դրբիչ, 1230 թ, Թէոդուպալիս կամ Կարին քաղաքում»:

Թէ ինչպիսի՞ գործունէութիւն է ունեցել երաժիշտ Յովսէփը եւ ի՞նչ գեղեցիկ մեղեդիներով ու տաղերով է զարդարել հայ եկեղեցական երաժշտութեան դանձաւոր, դժբախտաբար, չկան փաստական աղբիւրներ: Այսքանը միայն պարզ է, որ երաժշտագէտի կեանքի որոշ երեւոյթներն իր էջերում լուսաբանող 1230 թւականին գրւած ձեռագիր «Աւետարան»-ը այժմ ա-

ռանձին գուրգուրանքով պահւում է Վեներիկի Մխիթարեան Միաբանութեան մատենադարանում:

* * *

Միջնադարի հայ երաժշտական արւեստի պատմութեան էջերն արձանագրելիս նշենք նաեւ Մշոյ պատմական «Առաքելոց» վանքում փայլող երաժիշտների անունները եւս, որոնք ժամանակի՝ 13-րդ դարի, հայ արւեստագէտների շարքում ունին իրենց համեստ էջը: Դրանցից յայտնի են՝ Յունիկ, Ռատագէս, Աւետիս, Ստեփանոս եւ Ներսէս երաժիշտները, որոնց անունները գրոշմւած են 1204 թւին, Կարնեցի Վարդան քահանայի գրչի ձեռքով, «Առաքելոց» վանքում, գրւած «Տաւնական» ձեռագրի յիշատակարանում:

Այս վաստակաւոր երաժիշտների հայ եկեղեցական արւեստի զարգացման գծով կատարած դերի մասին եւս, դժբախտաբար, փաստացի տեղեկութիւններ չկան: Նրանց կեանքից յայտնի է միայն այն, որ նրանք եղել են «Առաքելոց» վանքի միաբաններ, ապրել են ու գործել այդ պատմական մենաստանում եւ 1204 թւականին գրւած «Տաւնական» մատենանի գնման նրբիւրատուներ են հանդիսացել. երեւոյթներ, որոնք ընդդէմ են նրանց գրասէր, լուսաւոր եւ առաջադէմ գեղեցիկ յատկանիւնների մասին:

Թէհրան

ԱՐԱՄ ԵՐԵՄԵԱՆ

Ծանոթ. — Պր. Արամ Երեմեանի «Տաղարան Յովհաննէս Թլկուրանցու» մասին գրած յօդուածին մէջ («Բագմալի» 1953, թ. 1-2, էջ 30), Վահան Արեղան՝ սխալմամբ եղած է Վահան Արեղան: